



Cymdeithas Tai Canolbarth Cymru - Polisi

Teitl: GOSOD RHENTI

Cyflwyniad

Mae Llywodraeth Cymru yn ei gwneud yn ofynnol i Gymdeithasau Tai Cymru osod rhenti yn unol â'i chanllawiau, y cyfeirir atynt fel Meincnodi Rhent.

Bwriad y canllawiau hyn, fel y nodwyd yng nghylchlythyr RSL 04110 - 'Gwarant i Breswylwyr Cymdeithasau Tai' - yw sicrhau fod rhenti mor isel ag sydd modd tra'n sicrhau fod cymdeithasau'n parhau'n gadarn yn ariannol ac yn darparu safon dda o wasanaeth i denantiaid.

Yr ymagwedd polisi yw sicrhau cydymffurfiaeth gyda gofynion Llywodraeth Cymru tra'n uchafu incwm.

Datganiad Polisi

Wrth osod rhenti, bydd Cymdeithas Tai Canolbarth Cymru yn sicrhau:

- Y caiff rhenti eu penderfynu yn unol gyda'r fframwaith "rhent meincnod" a sefydlwyd gan Lywodraeth Cymru.
- Bod rhenti anheddau unigol yn deg o gymharu gydag anheddau eraill o fewn y fframwaith "meincnod".
- Y caiff lefelau rent ac incwm eu huchafu o fewn y fframwaith "rhent meincnod".
- Bod y cyfanswm incwm sy'n dderbyniadwy gan y Gymdeithas yn ddigonol ar gyfer:
 - pob taliad morgais,
 - costau cynnal a chadw cynlluniedig
 - yr holl gostau rheoli a chynnal dydd i ddydd.
- Y caiff rhenti tu allan i'r fframweithiau "meincnod", yr 'eithriadau' eu gosod ar:
 - atodiad o 25% dros y Meincnod, a
 - dim mwy na Lwfans Tai Lleol.
- Cynyddir rhenti:
 - yn unol â chanllawiau Llywodraeth Cymru; neu
 - yn unol â lesau; neu
 - yn unol â rhenti marchnad;
 - gydag uchafswm cynnig o'r Mynegai Prisiau Manwerthu (RPI) ynghyd â 5% yn ôl canllawiau Tribiwnlys Eiddo Preswyl.

Categoriâu Rhent Penodol

1. Rhenti Anghenion Cyffredinol

- 1.1 Caiff y rhenti ar gyfer yr anheddau hyn eu gosod yn unol â fframwaith Meincnodi Rhent Llywodraeth Cymru.
- 1.2 Mae'r rhenti Meincnod ar gyfer Powys a Cheredigion ar yr un lefel ac felly codir yr un lefel rhent ar gyfer unrhyw fath o annedd ar draws ardal weithredu'r Gymdeithas.
- 1.3 Fodd bynnag, mae rhai ardaloedd o fewn Ceredigion (e.e. Aberystwyth) a Phowys (y gororau) lle mae gwerthoedd eiddo a rhenti yn uwch nag yn y siroedd yn gyffredinol. Yn yr ardaloedd hyn caiff rhenti eu gosod tu allan i'r meincnod a chânt eu dosbarthu fel eithriadau.
- 1.4 Mae gan y Gymdeithas ychydig o anheddau yn Swydd Amwythig. Ystyrir pob un ohonynt yn eithriadau.
- 1.5 Mae Llywodraeth Cymru yn cyhoeddi chwe meincnod rhent ac mae'r Gymdeithas yn creu tabl rhenti yn seiliedig ar y meincnodau hyn. Amgaeir y tabl sy'n weithredol o 1 Ebrill 2012.

2. Rhenti Tai â Chymorth

- 2.1 Caiff y rhenti ar gyfer anheddau Tai â Chymorth hefyd eu gosod yng nghyswllt fframwaith Meincnodi Rhent Llywodraeth Cymru.
- 2.2 Codir y rhenti tai â chymorth ar y lefelau meincnod fel y cânt eu cyfrif yn y tabl rhenti, ynghyd â swm ychwanegol o 10% i adlewyrchu cost ychwanegol rheoli'r anheddau hyn.

3. Rhenti Teg

- 3.1 Mae gan y Gymdeithas nifer o anheddau y rhoddwyd tenantiaethau iddynt cyn 15 Ionawr 1989. Caiff y tenantiaethau diogel hyn eu diffinio yn ôl adran 35 a 38(4) Deddf Tai 1988. Mae'r Gwasanaeth Swyddfa Rhenti yn penderfynu ar y "Rhent Teg" ar gyfer y tenantiaethau hyn.
- 3.2 Mae'r Gwasanaeth Swyddog Rhenti'n adolygu'r rhenti teg bob dwy flynedd ar sail unigol.
- 3.3 Lle mae tenant rhent teg yn trosglwyddo i annedd newydd, bydd y rhent meincnod ar gyfer yr annedd honno yn weithredol nes y cofrestrwyd yr annedd newydd fel rhent teg, yna bydd y rhent teg hwnnw'n weithredol.
- 3.4 Os oes gwahaniaeth yn ystod y cyfnod rhwng dechrau'r denantiaeth a drosglwyddwyd a chofrestru'r rhent teg, bydd y Gymdeithas un ai'n rhoi credyd neu'n codi tâl ar y tenant fel sy'n berthnasol.

4. Rhenti Diogel

- 4.1 Os yw'r Gymdeithas yn caffael unrhyw anheddau y mae tenantiaid diogel yn ôl diffiniad Deddf Tai 1985 yn byw ynddynt, a bod y tenantiaid hynny'n parhau i breswyllo yno, caiff y lefelau rhent a'r cynnydd unwaith eto eu penderfynu gan y Gwasanaeth Swyddfa Rhent.

5. Rhenti Eithriad

- 5.1 Mae fframwaith "Meincnodi Rhent" Llywodraeth Cymru yn caniatáu i gymdeithasau godi rhenti uwch na'r Meincnod am gyfran gyfyngedig o'u hanheddau. Yn hanesyddol, y terfyn hwn oedd 5% ond cynyddwyd hyn i 15% ar gyfer 2011/12. Mae canllawiau Llywodraeth Cymru'n ei gwneud yn glir mai dim ond anheddau newydd a gaiff eu dosbarthu fel eithriadau ychwanegol os yw cymdeithasau'n dymuno cael mwy na 5% o eithriadau.
- 5.2 Bydd gan yr anheddau a ddynodwyd fel eithriadau ryw ffactor neu nodwedd "arbennig" megis:
- Annedd mwy na'r meincnod
 - Mewn ardal gwerth uchel.
 - Cynnwys nodweddion neu ystafelloedd ychwanegol.
 - Cyrraedd lefel 4 ar gyfer cartrefi cynaliadwy neu uwch.
- 5.3 Caiff y rhenti eithriad eu gosod ar 25% atodiad uwchben y lefelau meincnod, yn amodol ar uchafswm y Lwfans Tai Lleol ar gyfer annedd yn y lleoliad hwnnw.
- 5.4 Bydd y Gymdeithas yn cynyddu'r rhent ar yr anheddau hynny bob blwyddyn yn unol gyda'r cynnydd canran a gyhoeddodd Llywodraeth Cymru ar gyfer rhenti meincnod.

6. Rhenti canolraddol

- 6.1 Mae'r Llywodraeth glymbleidiol yn cynnig hyrwyddo tenantiaeth fforddiadwy "newydd" fydd â rhenti wedi'u gosod ar 80% o renti marchnad preifat.
- 6.2 Cyhoeddodd Llywodraeth Cymru ei chanllawiau terfynol wrth osod rhenti ar gyfer rhent canolraddol ym Mawrth 2011; galwyd y canllawiau hyn yn 'Rhent yn Gyntaf'.
- 6.3 Wrth osod rhenti canolraddol, bydd y Gymdeithas yn ystyried:
- Gosod rhenti yn unol â fframwaith 'Rhent yn Gyntaf'
 - Cyfyngu rhenti i'r Lwfans Tai Lleol.
- 6.4 Bydd y Gymdeithas yn cynyddu rhenti ar yr anheddau hyn yn unol gydag unrhyw gyfyngiadau gan y llywodraeth. Os nad oes cyfyngiadau, bydd y Gymdeithas yn gweithredu'r cynnydd canrannol a gyhoeddwyd gan Lywodraeth Cymru ar gyfer rhenti Meincnod.

7. Rhenti Rhanberchenogaeth

- 7.1 Tenantiaid rhanberchenogaeth yw'r rhai sydd wedi prynu canran o'r annedd gyda morgais personol. Codir rhent arnynt ar yr ecwiti gweddilliol yng ngwerth yr annedd yn unol â chytundebau les unigol a chymeradwyaeth cynllun.
- 7.2 Bydd cyfradd flynyddol y cynnydd yn y rhent ar y tenantiaethau hyn yn unol â'r cytundeb les unigol:
- 7.2.1 Tenantiaethau sicr unedig o gynnydd meincnod Llywodraeth Cymru, neu
- 7.2.2 Tenantiaethau sicr gan y Swyddog Rhent Teg. Adolygir yn flynyddol ym mis Hydref, neu
- 7.2.3 Lesau wedi cysylltu â'r Mynegai Pris Manwerthu.
- 7.3 Y fformiwla ar gyfer gosod y rhenti rhanberchenogaeth yw:
- Canran yr annedd sydd ar ôl (e.e. 50%).
 - Rhent canolraddol ar gyfer yr annedd (e.e. £400/mis).
 - Rhent rhanberchenogaeth = £400 * 50% = £200.
- 7.4 Os yw grasio'r annedd yn llai na 100%, caiff lefel y rhent ei newid yn defnyddio'r un fformiwla a ddangosir uchod yn 3.3.3 ond a weithredir ar gyfer yr ecwiti newydd sydd ar ôl.

Meysydd Perfformiad Allweddol:

- A. Mae'r Cyfarwyddydd Gwasanaethau Gweithredol mewn cysylltiad â'r tîm Rheoli Gweithredol yn sefydlu gweithdrefnau priodol a gofynion hyfforddiant yn gysylltiedig â chostau rhent.
- B. Bydd y Gymdeithas yn ymgynghori gyda thenantiaid, lesddeiliaid a rhanberchnogion ar gynnydd rhenti.
- C. Bydd y Rheolydd Cyllid yn cyfrif lefelau rhent Sicr ar gyfer tai Anghenion Cyffredinol a Thai â Chymorth yn flynyddol, gan gyfeirio at gynnydd meincnod Llywodraeth Cymru.
- Ch. Bydd y Rheolydd Cyllid yn cyfarwyddo asiant tai lleol neu Brisiwr Ardal bob dwy flynedd i gael gwybodaeth ar renti marchnad preifat i alluogi cyfrif rhenti "canolraddol".
- D. Bydd y Rheolydd Tai yn cyfarwyddo'r Swyddog Rhent Teg i adolygu anheddau rhent Teg a Diogel.
- Dd. Bydd y tîm Tai yn rhoi ffigurau blynyddol rhent teg a rhent sicr ar gyfer y gyllideb flynyddol.

Diben:	Sicrhau uchafu incwm rhent y Gymdeithas.	
Cyfeirnod:		
Dyddiad Cyhoeddi:	1 Ionawr 2012	
Dyddiad Adolygu:	25 Ionawr 2011 8 Rhagfyr 2010. Polisi blaenorol dyddiwyd 1 Mawrth 2005	
Adrannau/Unedau yr effeithir arnynt:	Cyllid, Rheolaeth Tai	
Cymeradwywyd gan:	Bwrdd dyddiad 25 Ionawr 2012	
Swyddog Arweiniol:	Cyfarwyddydd Gwasanaethau Corfforaethol	
Cydymffurfiaeth Statudol	Deddf Tai 1985 Canllawiau Llywodraeth Cymru ar renti meincnod Cylchlythyr Llywodraeth Cymru 04110: Gwarant ar gyfer Preswylwyr Cymdeithasau Tai	
Ffactorau Risg Strategol	Gall Llywodraeth Cymru eithrio'r Gymdeithas rhag cynnig am grant os na chaiff rhenti eu gosod yn unol gyda'r canllawiau rhent a gyhoeddwyd gan Lywodraeth Cymru.	
Asesiad Effaith ar Gydraddoldeb	<i>Sut mae/fydd y polisi hwn yn sicrhau y caiff anghenion eu cyflawni'n deg yn neilltuol yng nghyswllt hil, rhyw, anabledd ac ati?</i>	Nod y polisi yw sicrhau dull cyson o osod rhenti, gan felly osgoi'r potensial i fod yn wahaniaethol.
	<i>A deimlir y gallai'r Polisi hwn fod ag effaith niweidiol ar wahanol grwpiau? Os felly beth yw'r cyfiawnhad ar gyfer hyn ac a gaiff hynny ei ganiatáu'n gyfreithiol?</i>	Ni ddisgwylir yr effeithir yn niweidiol ar unrhyw grwpiau neu unigolion.
	<i>A ofynnwyd i unrhyw grwpiau cynrychioladol yn yr ardal am eu barn ac os felly beth oedd y canlyniad?</i>	Dim
Ymgysylltu â Thenantiaid	<i>Sut mae/sut fydd y polisi hwn yn sicrhau y caiff anghenion tenantiaid eu diwallu?</i>	Amcan y polisi hwn yw sicrhau y caiff rhenti eu gosod mewn ffordd gyson.
	<i>Sut y teimlir y bydd y Polisi yn effeithio ar hawliau a goblygiadau tenantiaid?</i>	Ni ragwelir y bydd y polisi hwn yn effeithio ar hawliau a goblygiadau tenantiaid.
	<i>A ymgynghorwyd â thenantiaid ac a roddwyd ystyriaeth i ganlyniadau'r ymgynghoriad hwnnw wrth ystyried cyflwyno'r Polisi yma.</i>	Cyflwynwyd y polisi i gyfarfod y Fforwm Tenantiaid a Phreswylwyr ar 3 Chwefror 2012. Cynhelir ymgynghoriad pellach am unrhyw ddiwygiadau eraill i'r polisi yn 2012.